

ՀԱՊԱՐԳԻՐՈՒՄՆԵՐ ԵՎ ՀՐԱՊԱՐԱԿՈՒՄՆԵՐ

Վ. Ս. Հաղուքյունցյան

ՍԱՐԳԻՍ ԿԱՍՅԱՆԸ ՀԱՅԱՍՏԱՆԻ ՌԱԶՄԱ-ՌԵՎՈԼՅՈՒՑԻՈՆ ԿՈՄԻՏԵԻ ԱՌԱՋԻՆ ՆԱԽԱԳԱՀ

Սովետական Միության կոմունիստական պարտիայի նշանավոր գործիչ, սոցիալկոմսյան բոլշևիկյան կազմակերպությունների ղեկավարներից մեկը՝ Սարգիս Կասյանը իր գիտակից կյանքն ամբողջովին նվիրեց պրոլետարիատին, նրա պայքարին ու հաղթանակին։ Ս. Կասյանը Հայաստանի բոլշևիկյան կազմակերպությունների ստեղծողներից ու ղեկավարներից մեկն էր, լենինյան հին դավարիայի զինվորը, որը զոհ գնաց անհատի պաշտամունքի ժամանակաշրջանում տեղ գտած անօրինականություններ։

1905 թվականին մտնելով լենինյան պարտիայի շարքերը, Սարգիս Կասյանը սկզբից եկավ դարձավ պրոֆեսիոնալ ռևոլյուցիոներ, դրսևորելով իրեն որպես բոլշևիկ-հրապարակախոս, ժուռնալիստ, մասսաների տաղանդավոր կազմակերպիչ, մարքսիզմ-լենինիզմի գաղափարների լավագույն պրոպագանդիստ։

Ս. Կասյանը Ստ. Շահումյանի, Ս. Սպանդարյանի հետ մեկտեղ հանդիսացել է կոմկոմսոսի նախահեղինակներից բոլշևիկյան մամուլի ստեղծողը և ղեկավարը։ Նրա խմբագրությամբ հրատարակվել են՝ «Բանվորի ձայն», «Կայծ», «Նոր խոսք», «Օրեր», «Մեր խոսքը» և այլ թերթեր ու ժուռնալներ, որոնց էջերում նա հանդես է եկել ժամանակակից հուզող հարցերի մեկնաբանմանը նվիրված բազմաթիվ հոդվածներով՝ անխնա պայքար կազմակերպելով ցարիզմի և հակառևոլյուցիոն պարտիաների գաղափարախոսության դեմ։ Սարգիս Կասյանն իր գործունեությունը չի սահմանափակել սոսկ գրավոր պրոպագանդայով և բանավոր ագիտացիայով։ Կասյանը ռևոլյուցիոն նոր վերելքի ժամանակաշրջանում տեսական ու հրապարակախոսական աշխատանքին զուգընթաց կատարում է նաև պարտիական պրակտիկ աշխատանք։ Նա Ստեփան Շահումյանի, Ս. Օրջոնիկիձեի, Ս. Սպանդարյանի, Կամոյի, Ա. Զափարիձեի և ուրիշ ականավոր գործիչների հետ միասին եռանդուն աշխատանք է տանում Անդրկովկասի քաղաքներում ու շրջաններում բոլշևիկյան բռնիքների վերականգնման և ընդարձակման գործում։ Կասյանն աչքի էր ընկնում որպես Անդրկովկասի տնտեսական կյանքին, դասակարգային հարաբերություններին և սոցիալիզմի բարդ փոխհարաբերություններին իրազեկ, պրակտիկ ու գիտակ գործիչ։ Մարքսիզմ-լենինիզմի դիտության հարցերում ունեցած խորը պատրաստությունը, ժուռնալիստ հրապարակախոսի հատուկ ձիրքն ու աշխատասիրությունը, ռևոլյուցիոն կիրքն ու նվիրվածությունը դեպի մեծ գործը, այս ամենը նրան դարձրին ականավոր պարտիական գործիչ։ Սարգիս Կասյանը անխնա էր պարտիայի բոլոր թշնամիների նկատմամբ, կոմկոմսոսի իրականություն մեջ պրոլետարական ինտերնացիոնալիզմի ջահակիրներից մեկն էր։

բուրժուական նացիոնալիզմի լիբերալիզմի թշնամին: Լինելով մեծ ինտերնացիոնալիստ, նա երբեք չէր կտրվում իրականությունից և մասնակցում էր այն պայքարին, որ մղում էր պարտիան բուրժուա-նացիոնալիստական պարտիաների դեմ:

Ռուսական առաջին ռեվոլյուցիայի և ստոլիպինյան ռեակցիայի տարիներին Ս. Կասյանը վճռական պայքար էր մղում բուրժուական նացիոնալիզմի, մենշևիկ-լիկվիդատորների, օտղովիստների և հակամարքսիստական այլ հոսանքների դեմ:

1912 թվականին Սարգիս Կասյանը ականավոր բոլշևիկներ Ս. Սպանդարյանի, Ե. Ստասովայի և մյուսների ձերբակալությունից հետո համախմբում է ազատ մնացած բոլշևիկյան ղեկավար գործիչներին, վերականգնում է Թիֆլիսի բոլշևիկյան կազմակերպության աշխատանքները, սերտ կապ հաստատում Անդրկովկասի բոլշևիկյան կազմակերպությունների հետ:

Այդ շրջանում մեծ է Սարգիս Կասյանի դերը Անդրկովկասի բոլշևիկյան կազմակերպությունների ղեկավարման ու նոր բջիջների կազմակերպման գործում: Կասյանը հանդիսանում է մայրականների և բանվորական ցույցերի կազմակերպիչներից մեկը, նրա ղեկավարությամբ ու անմիջական մասնակցությամբ հիմնադրվում է Թիֆլիսի առևտրա-արդյունաբերողների հասարակական ակումբը: Որի զաղափարական ղեկավարը Կասյանն ինքն էր: Այս ակումբում հաճախակի կազմակերպվում էին ժողովներ, դիսկուսիաներ այս կամ այն հարցի շուրջը, բոլշևիկների տեսակետները տարածելու համար, կարգաջվում էր ղեկուցումներ: Հենց այս ակումբում էլ Ս. Կասյանը ջախջախիչ հարված է հասցրել մենշևիկ-լիկվիդատորների պարագլուխներին՝ Պետական դումայի անդամներին:

Ս. Կասյանի գործունեության մեջ նշանակալից երևույթ էր 1913 թվականի նրա նամակագրությունը ռեվոլյուցիայի առաջնորդ Վ. Ի. Լենինի և Կենտրոնական կոմիտեի հետ: Կասյանը իրազեկ է պահում Լենինին Անդրկովկասում բոլշևիկյան կազմակերպությունների աշխատանքի և նրա վերելքի մասին և խնդրում համապատասխան ցուցումներ տալ իրենց հետագա աշխատանքների համար: Վ. Ի. Լենինի անունից Ն. Կրուպսկայան պատասխանում է Ս. Կասյանի նամակներին, յուրաքանչյուր տալիս է և հանձնարարություններ, և տևողություններ Կենտրոնական կոմիտեի աշխատանքի մասին:

Սարգիս Կասյանի ռեվոլյուցիոն ակտիվ գործունեությունն աննկատ չի մնում ցարական օխրանկայի կողմից և 1914 թվականի ապրիլի 26-ին մի շարք բոլշևիկների հետ նա ձերբակալվում և հինգ տարի ժամանակով աքսորվում սկզբում Աստրախան, ապա Վոլոգդա, ուր մնում է մինչև փետրվարյան ռեվոլյուցիան:

Փետրվարյան բուրժուա-դեմոկրատական ռեվոլյուցիայից հետո ազատվելով ցարական աքսորից, Կասյանն անմիջապես վերադառնում է Թիֆլիս և շուտով ընտրվում ՌՍԴ(Բ)Պ Թիֆլիսի կոմիտեի անդամ: Նա մեծ աշխատանք է տանում Անդրկովկասի բաղադր աշխատավորության շրջանում. բաղադրիլ հողվածներով հանդես գալիս ռուսական և հայ բոլշևիկյան մամուլում, Անդրկովկասի աշխատավորներին կոչ անելով անհաշտ պայքար ծավալել բուրժուա-նացիոնալիստական պարտիաների և նրանց ոգեշնչողների՝ օտարերկրյա իմպերիալիստների դեմ:

Կասյանը Ստ. Շահումյանի, Ա. Զափարիձեի, Մ. Աղիզբեկովի, Մ. Ցխակայայի և ուրիշ ականավոր բոլշևիկների հետ եռանդուն աշխատանք է տա-

նում Անդրկովկասում, հետևողականորեն պայքարում Վ. Ի. Լենինի ապրիլյան թեզիսներում առաջ քաշված դրույթներն Անդրկովկասում իրագործելու համար, 1919 թ. վրացական մենշեկյան կառավարության կողմից Ս. Կասյանը ձերբակալվում է, բայց նրան հաջողվում է շուտ ազատվել և Կովկասյան երկրային կոմիտեի հանձնարարությամբ անլիզալ բուլշեկյան աշխատանքի անցնել Հայաստանում:

Ա. Կասյանի հետ մեկտեղ Հայաստան եկավ նաև Ա. Մուսվյանը: Անվանի բուլշեիկների Հայաստան դալն աշխուժացնում է տեղական բուլշեիկյան կազմակերպությունների աշխատանքը, պայմաններ նախապատրաստում ղրանյմիավորման համար:

Ռեույցիոն վերելքի, հանուն սովետական իշխանության Հայաստանի աշխատավոր զանգվածների պայքարի ակտիվացման ժամանակաշրջանում, 1919 թվականի սեպտեմբերին Կասյանի ղեկավարությամբ տեղի է ունենում Հայաստանի կոմունիստական կազմակերպությունների խորհրդակցություն, որտեղ Կասյանը հանդես է գալիս զեկուցումով: Խորհրդակցության ժամանակ ստեղծված ՌԿ(Բ)Պ Հայաստանի Կոմիտեի (Արմենկոմ) կազմում բնտրվեց նաև Կասյանը:

ՌԿ(Բ)Պ Հայաստանի Կոմիտեի հանձնարարությամբ Կասյանը զաշնակների հետապնդման պայմաններում «Ս. Աթենյան» ծածկանունով գրեց «Ուր է ելքը» գիրքը, որտեղ նա անողորմ կերպով մերկացնում է իմպերիալիստական պետություններին ու նրանց կամակատար զաշնակներին: Կասյանը ցույց է տալիս, որ հայ ժողովուրդը իր թշվառ վիճակից չի կարող դուրս գալ դիմելով արևմուտքի պետությունների ողորմությանը. «ու՛ր ղեռ հավատում է ղրան, կույր է ու հիմար,— գրում է Կասյանը,— կան մարդիկ, որոնք կարճամտորեն կարծում և անպատասխանատու կերպով ուսուցանում են, որ հավիտենականության անդունդի առջև կանգնած Հայաստանի ժողովրդի «փրկիչ հրեշտակը» ամենիկյան իմպերիալիզմն է լինելու: Անգլիայից և Ֆրանսիայից ապտակահարված այդ դիմադուրկ հերոսները ամերիկյան իմպերիալիզմն երկինք են բարձրացնում՝ անմեղ աղավնու կերպարանքով ներկայացնելով...»:

Կասյանը մերկացնելով ամերիկյան իմպերիալիստների մտադրությունները Հայաստանի նկատմամբ, ցույց է տալիս, որ հայ ժողովրդի փրկության միակ ելքը սոցիալիստական ռեույցիայի մեջ է: «Ոչ, Հայաստանի ժողովրդի փրկության ուղին այնտեղ չէ, ուր որոնում են պատե-պատ րնկած զաշնակցականները և մյուս ազգայնական եղևուղի մտավորականները,— գրում է նա,— երկաթի և արյան միջոցով պահվող ժողովրդական տառապանքի և հառաչանքի վրա կառուցված այդ աշխարհը չէ, որ պիտի փրկե հայ ժողովրդին տանջանքից և հառաչանքից, այլ այն աշխարհը, ուր աշխարհըստը բացվել է Ռուսական ըյուսիսում: Միակ ելքը այդ է, ուրիշը չկա»²:

Ս. Կասյանի սույն գիրքը հանդիսացավ Հայաստանի կոմունիստական կազմակերպությունների գործունեության ծրագիրը և հսկայական ղեր խաղաց Հայաստանի աշխատավորների ռեույցիոն մտքի աշխուժացման ու ղարգացման գործում: Այս գրքի նշանակությունն առավել կարևոր ղարձավ նրանով, որ այն լույս տեսավ Հայաստանի Կոմունիստական պարտիայի 1920 թվականի

1 Ս. Աթենյան, Ուր է ելքը, Երևան, 1919, էջ 66:

2 Նույն տեղում (ընդգծումը բնագրինն է—Վ. Հ.):

ունվարյան անլեգալ կոնֆերանսի նախօրյակին և օժանդակեց կոմունիստներին՝ կողմնորոշվելու դաշնականների ուժերի դեմ մղվող պայքարի կոնկրետ հարցերում:

Սեպտեմբերյան խորհրդակցության որոշմամբ 1920 թվականի հունվարի երկրորդ կեսերին Երևանում գումարվեց Հայաստանի կոմունիստական կազմակերպությունների առաջին կոնֆերանսը, որտեղ ընթացիկ մոմենտի մասին ղեկուցումով հանդես եկավ Ս. Կասյանը: Զեկուցման առթիվ ընդունված բանաձևում կոնֆերանսը որոշում է աշխատավոր զանգվածներին նախապատրաստել զինված ապստամբության՝ դաշնականների և նրանց օտարերկրյա իմպերիալիստական տերերի արյունոտ լուծր տապալելու և Հայաստանում սովետական իշխանություն հաստատելու համար:

Կոնֆերանսն ընտրեց ՌԿ(Բ)Պ Հայաստանի կոմիտեի նոր կազմ, որի մեջ ընտրվեցին Ս. Կասյանը, Ա. Մուսվյանը, Ս. Ալավերդյանը և ուրիշներ:

Ս. Կասյանին չվիճակվեց երկար շարունակել ընդհանուր գործունեությունը Հայաստանում: Ս. Կասյանը, Ա. Մուսվյանը, ինչպես նաև Հայաստանի կոմպարտիայի մի շարք այլ գործիչներ ձերբակալվեցին կամ աքսորվեցին Հայաստանից, որի հետևանքով նրանք չկարողացան մոտիկից մասնակցել Մայիսյան ապստամբությանը:

Դաշնականների բանտից ազատվելուց հետո Ս. Կասյանը անլեգալ կերպով մեկնում է Թիֆլիս և ռեուլուցիոն աշխատանք տանում մենշևիկյան Վրաստանում:

Այստեղ նա ձերբակալվում է վրացական իշխանությունների կողմից, սակայն Սովետական Ռուսաստանի դիվանագիտական ներկայացուցչի պահանջով Կասյանը ազատ է արձակվում և մեկնում է Սովետական Ադրբեջան, որտեղից ղեկավարում է Հայաստանի աշխատավորների պայքարը:

1920 թվականի վերջերին Հայաստանի աշխատավորների ռեուլուցիոն պայքարը հանուն սովետական իշխանության աննախընթաց վերելք ապրեց, Հայաստանի բանվորներն ու գյուղացիները Կոմունիստական պարտիայի ղեկավարությամբ բարձրացրին ապստամբության դրոշմ: Ապստամբությունը ղեկավարելու համար 1920 թվականի նոյեմբերի վերջերին ՌԿ(Բ)Պ Կենտկոմի Կովկասյան բյուրոն և Հայաստանի Կ(Բ)Պ Կենտկոմը ստեղծեցին Հայաստանի ռեուլուցիոն կոմիտե, որի կազմում հաստատվեցին Ս. Կասյանը որպես նախագահ, իսկ անդամներ՝ ռեուլուցիոն պայքարի բովով անցած անվանի բոլշևիկներ Ս. Տեր-Գաբրիելյանը, Ա. Մուսվյանը, Ալ. Բեգզադյանը, Իս. Դովլաթյանը և Ա. Նուրիջանյանը:

1920 թվականի նոյեմբերի 29-ին Ռեկոմի անդամները Ս. Կասյանի զբաղվողությամբ ժամանում են Քարվան-Սարայ (Իջևան) և իրենց ձեռքն են վերցնում զինված ապստամբության ղեկավարությունը: Հայաստանի ռազմա-ռեուլուցիոն կոմիտեն Ս. Կասյանի գլխավորությամբ շտապում է Երևան՝ Կարմիր բանակի օգնությամբ թուրքական արշավանքը կասեցնելու և ամբողջ երկրում սովետական իշխանություն հաստատելու համար:

Ս. Կասյանը հայ ժողովրդի անունից 1920 թվականի նոյեմբերի 30-ին դիմում է ազատարար Սովետական Ռուսաստանի կառավարությանը և անձամբ Վ. Ի. Լենինին՝ խնդրելով օգնություն ցույց տալ Հայաստանի ապստամբ աշխատավորությանը:

1920 թվականի դեկտեմբերի 2-ին Վ. Ի. Լենինը հեռագիր է ուղարկում

Հայաստանի ռազմա-ոսկրային կոմիտեի նախագահ Ս. Կասյանին, որտեղ ասված էր. «Հանձինս Ձեզ ողջունում եմ իմ պերիալիզմի ճնշումից ազատա-դրված աշխատավորական Սովետական Հայաստանին»³,

Հայաստանում սովետական կարգեր հաստատվեցին այնպիսի ժամանակ, երբ իմ պերիալիստական պատերազմի և հատկապես դաշնակցականների ար-յունոտ տիրապետության տարիներին ժողովրդական տնտեսությունը ամբող-ջովին քայքայվել էր: Թուրքիայի դեմ մղած պատերազմում դաշնակցականները կորցրին Ալեքսանդրապոլն իր գավառով: Թուրքական հորդաները կանգնած էին Ալեքսանդրապոլում և առիթ էին փնտրում պատերազմ սկսել՝ այս անգամ նորաստեղծ Սովետական Հայաստանի դեմ:

Այդ հանգամանքները ստիպում էին ՀԿՊ Կենտկոմին և Հայաստանի Ռե-կոմին վարել յուրահատուկ տակտիկա ինչպես արտաքին, այնպես էլ ներքին հարցերում:

Ս. Կասյանը Ռեկոմի և ՀԿ(Բ)Պ Կենտկոմի մյուս գործիչների հետ մշակում է Ռազմա-ոսկրային կոմիտեի ղեկընտնեը, հրամանները և որոշումները, որոնց մեջ օրենսդրորեն ձևակերպվում են Հայաստանում կատարվող սոցիա-լիստական և քաղաքական արմատական հեղաշրջման գլխավոր հարցերը:

Ինչպես հայտնի է, Վ. Ի. Լենինը 1920—1921 թվականներին իր ելույթներն ու նամակների մեջ բազմիցս նշել է Անդրկովկասյան երկրամասի յուրօրինա-կությունների մասին, դիրեկտիվ տվել ՌԿ(Բ)Պ Կենտկոմի Կովկասյան բյուրո-յին ու տեղական կոմունիստական կազմակերպություններին՝ հաշվի առնել այդ յուրօրինակությունները, մշակել ինքնուրույն տակտիկա:

Լենինյան դիրեկտիվներից ելնելով, ՌԿ(Բ)Պ Կենտկոմի Կովկասյան բյու-րոն անհրաժեշտ ղեկավար ցուցումներ էր տալիս Ս. Կասյանին և Հայաստանի կոմպարտիայի կենտկոմին ու հեղկոմի մյուս անդամներին:

Ս. Օրջոնիկիձեն սխտեմատիկաբար ուղիղ հեռագրագծով կապվում էր Ս. Կասյանի և մյուս գործիչների հետ և ինֆորմացիա ստանում Հայաստանում կատարվող իրադարձությունների մասին, խորհուրդ տալիս «ոչ մի ռեպրեսիայի չդիմել և առհասարակ լինել վերին աստիճանի զգույշ, բնակչության նկատ-մամբ լինել կորեկտ...»⁴:

Կասյանը, ելնելով պարտիայի Կովկասյան բյուրոյի և Վ. Ի. Լենինի ցու-ցումներից, նկատի առնելով տեղական պայմանները, Երևան ժամանելուց մի քանի օր անց, ղեկտեմբերի 9-ին, պարտիական ակտիվի ժողովում զեկու-ցում է Հայաստանում կատարված հեղաշրջման նշանակության և սովետական իշխանության խնդիրների մասին, նա շարադրում է՝ Ռեկոմի քաղաքականու-թյան սկզբունքները: Այդ զեկուցման մեջ Կասյանը վերլուծում է Հայաստանի քաղաքական ու տնտեսական վիճակը, մանրամասն շարադրում սովետական իշխանության և կոմունիստական պարտիայի կիրառելիք քաղաքականության հիմնական հարցերը: Նա նշում է, որ «կոմունիստական կուսակցության հա-մար ամենից կարևորն է՝ բանվորա-գյուղացիական հեղափոխության թագա-վորությունը: Եվ այնտեղ, որտեղ հնարավոր է, պետք է խույս տալ արյուն թա-փելուց: Տվյալ դեպքում Հայաստանում հեղափոխության առաջին քայլը, այս-ինքն՝ իշխանության գրավումն անցավ հանգիստ, և դա հանդիսանում է Հա-

3 Վ. Ի. Լենին, Երկեր, հ. 31, էջ 550:

4 ՄԼԻ ԿՊԱ, ֆ. 85, ց. 14, գ. 735, թ. 4:

յաստանի բանվորա-գյուղացիական հեղափոխության գրական կողմը: Մնում է պաշտպանել և ամրապնդել այդ իշխանությունը: Այդ գործում կոմունիստական կուսակցությունը երբեք վրիժառույթյամբ չի առաջնորդվի: Կուսակցությունը, որպես այդպիսին, չի իմանում վրեժի գագաթումը և պետք է կատարի հեղափոխական ռեալ աշխատանք: Եվ այդպես մոտենալով խնդրին՝ նոր հեղափոխական իշխանությունը մտադիր չէ դիմել ճնշումների, հին իշխանության կատարած գործողությունների համար»⁵:

Այնուհետև Կասյանը խոսում է տնտեսական քաղաքականության մասին: Նա ընդգծում է, որ չի կարելի Սովետական Ռուսաստանում կամ նույնիսկ Սովետական Ադրբեջանում կիրառված քաղաքականությունը նույնությամբ կիրառել Սովետական Հայաստանում: Տնտեսական քաղաքականությունը երբեք չի կարելի միակերպ անցկացնել ամբողջ երկրում. նա կախված է երկրի տնտեսական անմիջական կազմից: «Մենք կազգայնացնենք խոշոր գործարանները, կպայքարենք գյուղական կուլակների դեմ, որոնք պարապում են կեղեքելով և վաշխառությամբ,—ասում է նա,—սակայն միջակ գյուղացիությանը, մանր տնտեսություն վարողներին, տնայնագործությամբ պարապողներին, ինչպես ցույց տվեց Խորհրդային Ռուսաստանի փորձը, ձեռք չենք տա»⁶:

Այսպիսով Ռեկոմը և Հայաստանի Կենտկոմը համառորեն աշխատում էին կիրառել այն միակ ճիշտ քաղաքականությունը, որը թելադրում էին տեղական պայմանները, սակայն Ռեկոմի և Կենտկոմի անդամների մեջ որոշ տարաձայնություններ եղել և թույլ է տրվել առանձին սխալներ:

Հայաստանի բանվորների ու գյուղացիների ռևոլյուցիոն նվաճումները պաշտպանելու համար սովետական իշխանության հաստատման առաջին օրից սկսած Կասյանը ձեռնամուխ է լինում Կարմիր բանակի կազմակերպմանը:

1921 թվականի հունվարի 27-ին Ս. Կասյանի և Ռազմական կոմիսար Ա. Նուրիջանյանի ստորագրությամբ հրապարակվում է հրաման Կարմիր բանակում քաղ-մասսայական աշխատանքներ կատարելու մասին:

Հայկական Կարմիր բանակը կազմակերպվեց այն ժամանակ, երբ Հայաստանում զգալի պակաս էր զգացվում հացի և այլ սննդամթերքի, ժողովրդի մեծ մասը տեղահան էր եղել և սոված էր: Նման պայմաններում Ռեկոմը օգնություն է կազմակերպում Կարմիր բանակում գտնվող մարտիկների ընտանիքներին: 1921 թվականի հունվարի 4-ին Ռեկոմի ղեկրետով պետական միջոցներից նպաստ է բաց թողնվում բանակայինների ընտանիքներին. այս նույն ղեկրետով էլ նրանք ազատվում են պետական հարկերից, իսկ հաշմանդամ զինվորականները՝ թոշակավորվում են:

Կարմիր բանակի ամրապնդման համար ձեռք են առնվում նաև մի շարք այլ միջոցառումներ, որոնք օգնում են բանակի մարտունակության բարձրացմանը: Կարևոր նշանակություն ունեցավ Կարմիր բանակի քաղաքական բաժնի կազմակերպումը, որի պատասխանատու ղեկավար է նշանակվում ականա՝ Վոր բոլշևիկ Հ. Լավյանը:

Սարգիս Կասյանը, Ռազմա-ռևոլյուցիոն կոմիտեի նախագահի պարտա-

⁵ Տես «Կոմունիստ» հայերեն թերթը (Երևան), 12 դեկտեմբերի, 1920 թ.:

⁶ Նույն տեղում:

կանության հետ միասին ղեկավարում էր նաև գյուղատնտեսության ժողկոմատը:

Հայաստանի Ռեկոմի և գյուղատնտեսության ժողկոմատը իրականացնում են այն հիմնական սկզբունքները, որոնք նշված էին 1920 թվականի նոյեմբերի 29-ի ղեկավարացիայում:

1920 թվականի դեկտեմբերի 28-ին Ս. Կասյանի և Հոգիժողկոմատի գծով նրա տեղակալ Կամսարականի ստորագրությամբ հրապարակվում է Ռեկոմի պատմական ղեկրետը հողերի ազգայնացման մասին:

Հայաստանի քայքայված գյուղատնտեսության արագ վերականգնման համար Ռեկոմի և Գյուղատնտեսության ժողկոմատը ձեռք են առնում մի շարք միջոցառումներ: 1921 թվականի փետրվարի 9-ին Ս. Կասյանի ստորագրությամբ հրապարակվում է ղեկրետ՝ գյուղատնտեսության մասնագետների ցուցակագրության և մոբիլիզացիայի մասին:

Ռեկոմի և Գյուղատնտեսության կոմիտարիատի ձեռք առած միջոցառումները նպաստում են գյուղատնտեսության արագ վերականգնման գործին: Տասնյակ մասնագետներ ուղարկվում են շրջանները, նախապատրաստական աշխատանքներ են ձեռնարկվում դարերով ծարավ խոպան հողերը ջրովի դարձնելու համար:

Գյուղատնտեսության արագ վերականգնման հարցը Հայաստանի սովետական իշխանության գլխավոր և առաջնակարգ խնդիրներից մեկն էր: Նա նպատակ էր գրել հողերը ոռոգովի դարձնելու միջոցով Հայաստանը դարձնել վարգաճած գյուղատնտեսության երկիր:

Սովետական Հայաստանի կառավարությունն ամեն կերպ աջակցում էր հողի աշխատավորներին, որպեսզի նրանք որքան հնարավոր է ավելի շատ հող յուրացնեն և ընդարձակեն ցանքատարածությունները: 1921 թվականի ապրիլի 10-ին հրապարակվում է Հայաստանի Ռեկոմի և Գյուղատնտեսության ժողկոմատի համատեղ ղեկրետը, որտեղ ասված էր.

«Հայաստանում ստեղծված տնտեսական ծանր ճգնաժամից ազատվել կարելի է միայն որքան հնարավոր է մեծ քանակությամբ ցանքս անելով: Այդ նպատակով Հայաստանի Սոցիալիստական Խորհրդային Հանրապետության հեղափոխական կոմիտեն պատրաստ լինելով ամեն տեսակ դյուրություն և աջակցություն ցույց տալու բոլոր երկրագործներին և երկրագործությամբ պարպել ցանկացողներին առաջին ցանքսն ապահովելու համար՝

1 Ցանքսերի սերմացուն ազատ է որևէ բռնագրավումից.

2 Ցանքսերից ստացվելիք բերքը ամբողջովին պատկանում է ցանողին և նույնպես չի կարող ենթարկվել բռնագրավման.

3 Տեղական բոլոր հեղկոմները պարտավոր են իրենց պատասխանատվությամբ հսկել այս ղեկրետի անշեղ գործադրությունը»:

Հայաստանի Ռեկոմի և Գյուղատնտեսության ժողովրդական կոմիտարիատի համատեղ ղեկրետներով գյուղժողկոմի տնօրինությանն են հանձնվում տիրազուրկ և լքված խաղողի ու այլ պտղատու այգիները, պետականացվում են օգտակար հանածոները, հանքային ջրերը, բուժիչ ցեխերը, աղի և դառնաղի լճերն ու լճակները, ճահիճներն ու ջրանցքները, ոռոգման ամբողջ սիստեմը:

Պետական ապարատում կատարված արմատական հեղաշրջմանը զուգա-

հեռ, սովետական իշխանության հաստատման առաջին իսկ օրերից, ծավալուն պայքար կազմակերպվեց տգիտության ու խավարի, անգրագիտության ու անկուլտուրականության դեմ: Այդ խնդրի իրագործման համար Ռեկոմը և լուսավորության ժողկոմը ձեռք են առնում մի շարք կոնկրետ միջոցներ:

Ս. Կասյանը 1920 թվականի դեկտեմբերի 6-ին ստորագրում է ՀՍՍՌ-ի Ռեկոմի պատմական հրամանը հանրապետության սահմաններում հայերենը պետական լեզու ճանաչելու մասին, միաժամանակ ապահովելով ազգային փոքրամասնությունների մայրենի լեզվի գործածությունը: Այդ հրամանի համաձայն հայոց լեզուն դարձավ պետական լեզու:

Ս. Կասյանը լուսավորության ժողկոմ Աշոտ Հովհաննիսյանի հետ միասին հրապարակում են դեկտեմբերի 17-ի դեկրետը, որով «Հայաստանում գտնվող բոլոր դպրոցները, հնագիտական և ազգագրական թանգարանները, Մատենադարանը, տպարանները և բոլոր կուլտուրական հիմնարկները պետականացվում և հանձնվում են լուսավորության ժողովրդական կոմիսարիատին»⁸:

Սովետական իշխանության հաստատման 18-րդ օրը կազմակերպվում և իր աշխատանքներն է սկսում Երևանի պետական Համալսարանը՝ մեր ռեսպուբլիկայի առաջին բարձրագույն ուսումնական հաստատությունը:

Բուրժուա-նացիոնալիստական կառավարության թողած ծանր, տխուր ժառանգության ամենացավոտ կողմերից էին ազգամիջյան հակասությունները: Պրոլետարական ռևոլյուցիայի հանճարեղ, առաջնորդ Վ. Ի. Լենինը Հայաստանի Ռեկոմի նախագահ Սարգիս Կասյանին հղած ողջույնի հեռագրում սովետահայ նորաստեղծ պետության ղեկավարությանը պատգամել էր՝ ապահովել ազգամիջյան խաղաղությունը, որը վերածվելու էր ինտերնացիոնալ եղբայրության: Հավատարիմ մեծ ուսուցչի պատգամին, Հայաստանի Ռեկոմը անմիջապես ձեռնամուխ է լինում ազգամիջյան փոխադարձ թշնամության վերացման դժվարին գործին: Դաշնակցական և մուսավաթական կառավարությունների անարգ տիրապետության տարիներին ազգային հակամարտությունները փոխադարձ բնաջնջման բնույթ էին ստացել: Մուսավաթական և դաշնակցական պարտիաները Հայաստանը և Ադրբեջանը վերածել էին դժոխքի: Արյունահեղությունը և ավերածությունը դարձել էր հարատև, շեն ավաններն ավերակների էին վերածվել, աշխատավորության դարերով ստեղծած տնտեսությունները փլուզվել էին, ժողովրդական լայն խավերը տեղահանվել էին, սովս ու հիվանդությունները շարունակական բնույթ էին կրում:

Այսպիսին էր Հայաստանը, երբ իշխանությունն իր ձեռքն առավ Ռադմա-ռևոլյուցիոն կոմիտեն Ս. Կասյանի ղեկավարությամբ:

Սովետական Հայաստանի իշխանությանը շատ շուտով հաջողվում է կատարել լենինյան պատգամը, ստեղծել հայ և ադրբեջանցի աշխատավորների եղբայրական համերաշխություն: Ազգային արյունալի ջարդերին, թալանին և ավերածությանը փոխարինում է ազգամիջյան խաղաղությունը:

Դժվարին խնդիր էր նաև «չեզոք զոնայի» ազատագրության և Հայաստանի անբաժան մասը մայր հայրենիքին միացնելու հարցը:

Մենշևիկյան ագրեսիվ նացիոնալիստական ծրագրերի ու անգլո-ամերիկյան իմպերիալիստների դիվանագիտական խարդախ ու դավադիր քաղաքական-

⁸ Հայկ. ՍՍՌ ՊԿԱ, ֆ. 122, դ. 791, թ. 5:

նության հետեանքով Լոռին դարձել էր հայ-վրացական արյունահեղ ընդհանրումների թատերաբեմ և ապա վերածվել «չեզոք զոնայի»։ Անվիճելի հայկական հողը դարձել էր «վիճելի» տերիտորիա։ Հայաստանի Ռազմա-ռեուլյուցիոն կոմիտեն չէր կարող մնալ պասսիվ և համբերատար ականատեսի դերում։ Լոռվա «չեզոք զոնայի» վերացումը և հայ աշխատավորության ազատագրումը հրամայական, արդար և իրավացի պահանջ էր։ Եվ Ռազմա-ռեուլյուցիոն կոմիտեն Ս. Կասյանի ակտիվ մասնակցությամբ նախապատրաստում է «չեզոք զոնան» մենշևիկյան զավթիչներից աղատագրելու և Սովետական Հայաստանին վերամիավորելու գործը։ Ս. Կասյանը Ռեկոմի անունից մանդատ է տալիս Կարմիր բանակի քաղաքական կոմիսար Հ. Լազյանին, որպես Սովետական Հայաստանի կառավարության ներկայացուցչի զինված ապստամբություն կազմակերպելու, մենշևիկյան զորքերը դուրս քշելու և Լոռին Սովետական Հայաստանին միացնելու համար։ Կասյանի նախաձեռնությամբ և հանձնարարությամբ Ռեկոմի անդամ Ա. Մուսվյանը 1921 թվականի հունվարի սկզբներին Ղարաբաղիսա է մեկնում և հանդես գալիս այնտեղ գումարված պարտիական կոնֆերանսում, հաղորդում ՀԿ(Բ)Պ Կենտկոմի և Ռազմա-ռեուլյուցիոն կոմիտեի դիրեկտիվները՝ «չեզոք զոնան» ազատագրելու և այնտեղ սովետական իշխանություն հաստատելու մասին։

Կասյանը հետևում էր Լոռիում տեղի ունեցող իրադարձություններին։ Լոռվա հերոսական ապստամբությունը զորեղ ազդակ հանդիսացավ եղբայրական վրաստանի ռեուլյուցիոն աշխատավորության ապստամբության համար, որը հաղթանակեց Սովետական Ռուսաստանի անպարտելի Կարմիր բանակի եղբայրական օգնությամբ։

Անօրինակ ծանր էր նաև Սովետական Հայաստանի միջազգային քաղաքական վիճակը։ Քեմալական յկուպանտներին հաջողվել էր դաշնակցական կառավարության հետ կնքել 1920 թվականի դեկտեմբերի 2-ի Ալեքսանդրապոլի խայտառակ դաշնագիրը։

Ս. Կասյանի գլխավորած կառավարությունը չեղյալ համարեց այդ հայադավ դաշնագիրը, ամուր դաշինք կնքեց Սովետական Ռուսաստանի հետ։ ՌՍՖՍՌ զինված ուժերը նեցուկ դարձան երիտասարդ Սովետական Հայաստանի համար։

1921 թվականի փետրվարին դաշնակցական մաուզերիստները վերջին փորձն են անում վերականգնելու իրենց անփառունակ իշխանությունը։

Տաշիկ հրամանատարության, վրացական մենշևիկյան կառավարության և անդո-ֆրանսիական իմպերիալիստների հրահրումով դաշնակները ձեռնարկում են մեծագույն շարագործություն՝ 1921 թվի փետրվարի 18-ին դաշնակցական-մաուզերիստական բանդաները խռովություն են բարձրացնում և գրավում Սովետական Հայաստանի մայրաքաղաք Երևանը։

ՀՍՍՌ ռազմա-ռեուլյուցիոն կոմիտեն և Հայաստանի կոմպարտիայի կենտրոնական կոմիտեն Կարմիր բանակի ղորամասերի պաշտպանությամբ թողնում են Երևանը և անցնում Ղամարլու—Վեդիբիսարի շրջանը։

Փետրվարից սկսած հակասովետական ավանտյուրան 45 օրվա ընթացքում Հայաստանի Ռեկոմի և պարտիական ղեկավարությունը հարկադրում է քաղաքացիական կոիվ մղել հայրենադավ ավանտյուրիստների դեմ։ Սովետական Հայաստանի ղեկավարությունը Կասյանի գլխավորությամբ Ղամարլուի ռազմաճակատում մեկ և կես ամիս կազմակերպում է դիմադրություն դաշ-

նակցական մաուզերիստական բանդաներին: Ս. Կասյանը այդ ռազմաճակատում գտնվող պարտիական զործիշների, կառավարության անդամների և Հայաստանի Կարմիր բանակի հրամանատարության հետ հերոսական պայքար է մղում դաշնականների գերակշռող ուժերի դեմ:

Համարլուի ռազմաճակատում Ս. Կասյանն աշխատում էր Հ. Կոստանյանի, Շ. Ամիրխանյանի, Ի. Դովլաթյանի, Իվան Սվիրիդովի, Միխայիլ Մուկաչանովի և ուրիշ ղեկավար կոմունիստների հետ՝ ձեռք-ձեռքի տված: Ամենակրիտիկական մոմենտներին նա վերջնական հաղթանակի աննկուն հավատով էր տոգորված: Այդ ոգով էլ նա հուսադրում և քաջալերում էր մարտիկներին, հոգ տանում զորքի և էվակուացված հաղարավոր մարդկանց պարենով ապահովելու մասին: Ս. Կասյանը դիմում է Մոսկվա՝ Լենինին և Թիֆլիս՝ Օրջոնիկիձեին, հաղորդելով դաշնականների փետրվարյան խռովության հետևանքով ստեղծված ծանր վիճակի մասին և խնդրում շուտափույթ օգնություն: Ս. Կասյանը մերկացնում է դաշնականների այսպես կոչված «փրկության կոմիտեի» դավերը և հաղորդում, որ հակասովետական դավադիրները աջակցություն են ստացել օտարերկրյա իմպերիալիստների, վրացական մենշևիկների և թուրք զորահրամանատարության կողմից: Կասյանը հավաստիացնում է, որ «Հայաստանի աշխատավորների հիմնական մասսան պաշտպանում է սովետական իշխանությունը, որ դաշնականների հիմնական ուժերը մաուզերիստներն ու կուլակներն են, իսկ այն աշխատավորները, որոնք դաշնականների ագիտացիայով խաբվել էին, արդեն հիասթափվել են մաուզերիստներից և քանի զնում ավելի ու ավելի մեծաթիվ խմբերով անցնում են մեր կողմը»:

Ս. Կասյանը նշում է, որ «միակ իշխանությունը, որը կկարողանա բուժել երկրին դաշնականների հասցրած վերքերը, դա Հայաստանի բանվորների և գյուղացիների իշխանությունն է, Սովետական իշխանությունը»⁹: Կասյանը խնդրում է Սովետական Ռուսաստանի Կարմիր բանակի օգնությամբ՝ Սովետական Հայաստանի երիտասարդ Կարմիր բանակին, որպեսզի «Հայաստանի աշխատավոր մասսաները վերջնականապես հաղթեն իրենց դասակարգային թշնամուն»:

1921 թվականի մարտին Համարլուի ճակատում Ս. Կասյանի գլխավորած Ռազմա-ռևոլյուցիոն կոմիտեի ղրությունն ավելի է ծանրանում. պարենը և զինապաշարը սպառվել էին:

Ս. Կասյանը բանակի հրամանատարության հետ միասին դիմում է Կովկասյան բյուրոյին և ռազմաճակատի հրամանատարությանը, խնդրում օր առաջ շտապ օգնություն կազմակերպել ղրությունը փրկելու համար: Վ. Ի. Լենինի կարգադրությամբ Ս. Կասյանի խնդրանքը բավարարվում է: Կարմիր զորամասերն անցնում են գրոհի:

1921 թվականի ապրիլի 2-ին Կարմիր բանակի զորքերը հաղթականորեն գրավում են Երևանը և տապալում դաշնականների տխրահռչակ «փրկության կոմիտեն»: Ապրիլի 4-ին Երևան է ժամանում ՀՍՍՌ Ռազմա-ռևոլյուցիոն կոմիտեն Ս. Կասյանի գլխավորությամբ և ձեռնամուխ լինում սովետական կարգերի վերականգնման աշխատանքին:

Դաշնականների փետրվարյան ավանտյուրայի լիկվիդացումից հետո Ռազմա-ռևոլյուցիոն կոմիտեի առջև ծառացել էին նոր խնդիրներ: Անհրաժեշտ էին

⁹ Տե՛ս ՄԼԻ Հայկական ֆիլիալի արխիվ, ֆ. 5, գ. 44, ք. 3:

հերոսական ջանքեր՝ ավանտյուրայի հետևանքները վերացնելու, ժողովրդի վերքերը բուժելու, պարտիական և սովետական ապարատը վերականգնելու և վերակենդանացնելու, ինչպես նաև տնտեսական նոր քաղաքականության կենսագործմանը ձեռնամուխ լինելու և անցյալում թույլ տրված սխալները վերացնելու համար:

Դեռևս 1921 թվականի մարտի 29-ին Կասյանը Ղամարլուի ճակատից Կովկասյան բյուրոյին ուղարկած նամակում նշում էր, որ շուտով սովետական իշխանությունը կվերականգնվի ամբողջ Հայաստանում, ուստի «անհրաժեշտ է այժմ իսկ նշել մեր տակտիկայի հիմնական գիծը և այն կենսագործող օրգանը»¹⁰: «Անհրաժեշտ է... հաստատել երկրի սոցիալ-տնտեսական պայմաններին համապատասխան, որոշակի և պարտադիր քաղաքականություն և միասնական իշխանություն»—գրում էր Կասյանը:

Երևան ժամանելուց հետո Ս. Կասյանը ուղիղ հեռադրագծով կապվում է Ս. Օրջոնիկիձեի հետ և զեկուցում ռեսպուբլիկայի վիճակի մասին: Նա հաշտորդում է, որ դրությունը ծանր է, պարենամթերք չկա, բանակը վերջին պատառն է սպառում, բացակայում են տրանսպորտի միջոցները և խնդրում է արտակարգ միջոցներ ձեռնարկել:

Ապրիլի 6-ին Սերգո Օրջոնիկիձեին ուղարկած հեռագրում Կասյանը հաշտորդում է, որ Երևանից հեռանալիս դաշնականները կողոպտել և տարել են պետական դանձարանային խոշոր արժեքները: Նա խնդրում է Երևան ժամանելիս հետը բերել սովետական դրամանիշ և անհրաժեշտ բանակով վալյուտա լրանից սննդամթերքներ գնելու և երկրի պարենային ճգնաժամը հաղթահարելու համար:

Դաշնականների կրած պարտության կապակցությամբ հակաոսկրային մամուլը պրովոկացիոն լուրեր էր տարածում Կարմիր բանակի մասին, նրան ներկայացնելով որպես «օկուպացիոն ուժ»: Կասյանը հերքում է բուրժուական մամուլի տարածած հերյուրանքները և միաժամանակ շեշտում, որ Կարմիր բանակը Հայաստան եկավ եղբայրական օգնություն ցույց տալու բանվորա-գյուղացիական մասսաներին, որ դա Սովետական Հայաստանի մեծ դաշնակից—Սովետական Ռուսաստանի հարազատ Կարմիր բանակն է, որը եկավ, որպեսզի պայքարի մաուզերիստների դեմ և «վերականգնի հայ չքավորության իշխանությունն իր հայրենիքում»:

Հայաստանի Կարմիր բանակի մարտունակության ուժեղացումը Ս. Կասյանի կարևոր հոգսերից մեկն էր: 1921 թվականի ապրիլի 7-ին նա հանդես է եկել Հայաստանի Կարմիր զորամասերի հետագա պահպանման, նրա մարտական-քաղաքական ուսուցումը կազմակերպելու հարցերի շուրջը՝ կոնկրետ խնդիրներ դնելով բանակի հրամանատարության առջև¹¹:

Սարգիս Կասյանի գործունեության մեջ կարևոր տեղ է զբաղում Հայկական ՍՍՌ-ի ընդհանուր և հատկապես տնտեսական քաղաքականության մեջ նոր կուրս կիրառելու հարցը: Ինչպես հայտնի է, ՌԿ(Բ)Պ 10-րդ համագումարը մշակել էր պարտիայի և սովետական իշխանության նոր տնտեսական քաղաքականությունը:

Նոր տնտեսական քաղաքականության մասին պարտիայի 10-րդ համագումար-

¹⁰ ՄԼԻ ԿՊԱ, ֆ. 85, ց. 18, գ. 63, թ. 1—2:

¹¹ ՀՍՍՌ ՀՌՍՀ ԿՊԱ, ֆ. 113/Ը, ց. 3, գ. 6, թ. 153:

մարի որոշումները և լենինյան դիրեկտիվները ուղեցույց հանդիսացան պարտկազմակերպությունների և սովետական օրգանների գործունեության համար։ Ս. Կասյանը նվիրվեց այդ դիրեկտիվների կենսադործմանը, առավել ևս, որ դրանք միանգամայն ներդաշնակում էին այն դրույթներին, որ նա պաշտպանում և գործունեության մեջ էր դնում Հայաստանում սովետական կարգեր հաստատելու առաջին իսկ օրից։ Կասյանի նախաձեռնությամբ Ռեկոմբ հրապարակում է դեկրետներ ներման մասին։

1921 թվականի ապրիլի 10-ի և 24-ի դեկրետները խստապաշտանքի անցնելու և ավերված երկրի վերաշինությանը նվիրվելու կոչեր էին։ Հայաստանի ռազմա-ոկուպացիոն կոմիտեն եռանդուն պայքար մղեց սովետական օրինականության խախտումների դեմ։ ՀՍՍՌ կառավարությունը մեծահոգի գտնվեց և ներման դեկրետով որոշեց ազատ համարել քաղաքական և ամեն տեսակի ու ձևի պատասխանատվությունից, առանց բացառության բոլոր ներառյալ, ովքեր պայքարել էին Հայաստանի հորհրդային Սոցիալիստական Հանրապետության դեմ, անկախ նրանց անմիջական գործերից, կոշտից, դիրքից, պաշտոնից։

Այդ դեկրետները հրապարակվեցին մամուլում, հասցվեցին բնակչության լայն զանգվածներին, որոնք խնդությամբ և երախտադիտությամբ ողջունեցին սովետական իշխանության քաղաքական իմաստության ու ներողամտության այդ մեծ ակտը։

ՀՍՍՌ ռազմա-ոկուպացիոն կոմիտեն Ս. Կասյանի գլխավորությամբ մի շարք գործնական քայլեր ձեռնարկեց քաղաքացիական կոռուպցիայի ժամանակ գյուղերից ու քաղաքներից էվակուացված կամ փախած բնակիչներին իրենց բնակավայրերը վերադարձնելու, նորմալ կյանքի կոչելու գործում։

Ս. Կասյանի մասնակցությամբ ու ղեկավարությամբ լայն աշխատանք սկսվեց զարնան գյուղատնտեսական կամպանիան ծավալելու, գյուղացիների օգնելու և ժողովրդական տնտեսության վերականգնման համար։

Սարգիս Կասյանը ՀՍՍՌ ռեկոմի նախագահի պոստում աշխատեց 1920 թ. նոյեմբերի 29-ից մինչև 1921 թվականի ապրիլի վերջը։ Ինչպես մի ծանր ժամանակաշրջան էր՝ լի փորձություններով, բարդություններով և հաղթանակներով։ Այդ ժամանակաշրջանը միաժամանակ հանդիսացավ լուրջ դպրոց՝ սովետական կարգերի հաստատման ու ամրապնդման համար, աշխատավորների իշխանության քաղաքականության մշակման, նրա փորձի համար։

Հետագա տարիներին, մինչև 1937 թվականը, այսինքն մինչև իր կյանքի վերջը, Ս. Կասյանը ղեկավար աշխատանք էր տանում Հայաստանի և Անդրկովկասի պարտիական և սովետական օրգաններում՝ իր ուժերը նվիրելով սոցիալիզմի հաստատման ու ամրապնդման վեհ գործին։